



Inatsisartunut ilaasortaq
Michael Rosing
/Maani

§ 37 naapertorlugu apeqqutitut akissut 228, qinersinerit, Miro.

27. november 2013
Suliap normua
Allakkap Nr. 939011

Naalakkersuisut Inatsisartunut ilaasortaq Michael Rosing qutsavigaat qinersinerit pillugit § 37 naapertorlugu apeqqutaanut.

Postboks 1614
3900 Nuuk
Oqa. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

Naalakkersuisunut apeqqutitut qinersisarnermut allanullu tunngasut:

1. **2013-mi Inatsisartunut qinersinerimi erseqqissaavigineqarpunga, Thule Airbasemi qineqqusaarneq inerteqqutaasoq, ilisimasakka naapertorlugit Kalaallit Nunaanni qinersisinnaasut 200-t missaaniittut tassani najugaqarput. Isumaga naapertorlugu taamna IPU-p isumaqatigiissutaani immikkoortoq 3.3-mik unioqqutitsineruvoq "Declaration on Criteria for Free and Fair Elections", tassani pineqarpoq kinaluunniit qineqqusaartilluni nunami sumiluunniit angalaarsinnaanera. Naalakkersuisut isummamut tassunga isumaqataappat aamma tamanna tunngavigalugu periarfissaq siulleq atorlugu amerikami oqartussaasut ajornartorsiut tamanna pillugu oqaloqateqalersaarpat?**

Akissut:

Naalakkersuisut apeqqutip erseqqinnerusumik misissornissaanut periarfissineqarput, tassungalu ilanngullugu amerikami oqartussaasunik suliaq pillugu piaartumik oqaloqatiginninnissamut.

2. **Demokratini ajornartorsiutitut isigaarput, qinersinerup inerniviisa suku-miilluinnartumik tamanut saqqummiunneqartarnerat. Assersuutigalugu www.valg.gl-mi takuneqarsinnaavoq, 2013-mi Inatsisartunut qinersigatta lgalikumi qinersinerit 17-t qinigassanngortittunut qanoq agguarneqarsimarnersut. Uangut isumarput naapertorlugu tamanna i IPU-mi "Declaration on Criteria for Free and Fair Elections"-mi immikkoortoq 2.7-mut taamatullu immikkoortoq 4.5-mut akerliuvoq, taakkunanni pineqarmata isertortumik taasinerit. Taasineq isertortumik taasinerit taaneqarsinnaanngilaq, naa-torsorneqarsinnaappat, kina qanoq taasisimarnersoq.**

Naalackersuisut taama isumaqarnermut isumaqataanerlutik aamma tamanna tunngavigalugu sulissutigineqarusunnerluni, inernerit poortorneru-laarlugit nalunaarutigineqartalissasut naatsorsorneqarsinnaajunnaarlugu qinersivinni mikisuni kina qanoq taasisimanersoq?

Akissut:

Qinersinermit inatsisit iluarsaanneqarnissaannut atatillugu ajornartorsiut Naalackersuisut nalilersorniarpaat.

- 3. Inatsisartunut allanullu qinersinitsinni ileqquuvoq, inoqarfinni ataasiakaa-ni najugallit qinersivimmi ataatsimi qinersisinneqartarnerat. Ullormi qiner-sivimmi qinersiviit pallitassaanningajattarput qineqqusaartut partiineer-sut qineqqusaartarnerat pissutaalluni. Tamanna inuit ilaanni demokrati naapertorlugu pisussaaffimmik naammassinnittaaliuinerlut isigineqarsin-naavoq. Aamma qunusiarinninnertut isigineqarsinnaavoq taamaattumikllu IPU-mi "Declaration on Criteria for Free and Fair Elections" immikkoortoq 4.5-mut akerliusutut isigineqarsinnaalluni. Naalackersuisut taama isuma-qarnermut isumaqataanerlutik aamma tamanna tunngavigalugu qinersi-nermut malittarisassat allanngortinnissaat sulissutigineqarusussanerluni, ullormi qinersivimmi qineqqusaarnerit inerteqqutaalersillugit imaluunniit qineqqusaarnerit qinersivimmiit avinngarusimasumut inissinneqatalersil-lugit, qineqqusaartunit uneqattaartinneqarani qinersivinnut ingerlasoqar-sinnaanngortillugu?**

Akissut. Ukiorpasuarini ileqquusimavoq partiit qinigassanngortittulluunniit allat plakatinik allanillu nivinngartuisarnerat aamma qinersinermit atatillugu qinersisartut qinersiviit qanittuani oqaloqatiginissaannut qaaqquneqartarnerat. Qinersisartut qineqqusaartunit qinersiffiup silataani uneqattaartinneqartarnerat eqqarsaatigalugu tamanna Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi § 59 malillugu iluarsineqarsimanngilaq, tassani qinersisartut taasiviup iluani pisinnaatitaaffii illersugaapput, tassa qinersisartut siunnersorneqassanngillat, qinersinermit siulersuisunit imaluunniit allanit taasivimmiittunit aalajangersimasumik qinersinissamut inanneqassanngillat kaammattorneqaratilluunniit.

Aalajangersagaq imatut allassimavoq

"Qinersinermit siulersuisunit ilaasortat imaluunniit allat inatsimmi uani aalajangersakkat malillugit inini pappiarat taasiviit tigooqqarneqarfianniissinnaatitaasut

- 1) taasisitsinerup nalaani qinersisartunik siunnersuissanngillat, iitseruissanatik kajumissaarissanatilluunniit qinigassanngortitamik kimik taaseqqullugit,*
- 2) allanik ilisimatitsissanngillat qinersisartoq una unalu najuussimanersoq imaluunniit pappiaramik taasivimmik tuneqqusimanersoq tunniussisimanersortuunniit, imaluunniit*
- 3) allanut nalunaarutiginnissanngillat taasivimmi qinersisartup qinigassanngortitamik partiimilluunniit sorlormik taasisimaneranik paasisimasaminnik.*

Imm. 2 Qinersisartut aggerlutik taasinerata Inatsisartut inatsisaanni matumani peqqussutigineqartumit allaanerusumik nakkutigineqarnissaa akuerisaanngilaq.

Imm. 3 Immikkoortumi 1-imi 2-milu aalajangersakkanik inioqqutitsinermit pinerluttulerinermit inatsimmi aalajangersakkat malillugit pineqaatissiisoqarsinnaavoq."

Aalajangersagaq aamma kommunini qinersineq pillugu inatsimmi, Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaanni nr. 7, 3. december 2012-imeersumi § 84-imi allassimavoq.

Qinersinermi inatsisit iluarsaanneqarnissaannut atatillugu ajornartorsiut Naalackersuisut nalilersorniarpaat.

Inussiarnersumik inuulluaqqusillunga

Med venlig hilsen



Vittus Qujaukitsoq